



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus I. Quid, & quotuplex sit juramentum?

[urn:nbn:de:hbz:466:1-73001](#)

quo res, de qua agitur, magis valeat, quam pereat; ratio secundi est; quia in casu, quo queritur, an defunctus voluerit facere testamentum, si reperiat eum scriptura, ubi expressit heredem, esto solennitates aliae non intervenient? responsio affirmativa probabilior est ex presumptione, fundata in eo, quod eum scripsit heredem; hoc enim est de substantia testamenti; & praeferatur presumptioni contrariae, quae fundatur in defectu solennitatum.

Resp. 2. presumptionem specialiorum prevalere presumptioni magis generali [nam licet ex damno dato generaliter presumatur, esse datum a vicino; si tamen iste est vir, communis hominum estimatione illæ dignitatis, & virinteger, habet pro se presumptionem speciale, ac elidit alteram] & presumptionem, quae conductit majori animæ securitati, prevalere contrariae; ut si quis in censura constitutus est, esto dicat se absolutum, præ-

suntur tamen existens in censura, dum probatione contraria elidat presumptionem animæ plus faventem.

Resp. 3, et si in casu, quo Titius Caio minatus est mortem, & hic deinde reperiatur occisus ignorato homicida, presumptione sit contra Titium; si tamen is probet naturalem impotentiam [v. g. se tali tempore nec fuisse in eo loco, atque adeo naturaliter fieri non potuisse a se illud homicidium] habet presumptionem pro se, fundatam in naturali impotentia; quæ utique prævalet humanis conjecturis. Hæc Hau-nold, tom. 5. de jure & iust. tr. 4. à num. 643. ubi etiam tradit presumptionem, quod quis voluerit operari secundum jus commune, quando poterat operari ex jure speciali v. g. privilegio, prevalere contra istam; ita ille; multo tamen limitationibus subsunt hæ regulæ, cum applicantur in casu particulari; quamvis defervire possint, quamdiu non probatur fallentia.

QVÆSTIO XXIV.

IN TIT. XXIV. DE JURE JURANDO.

2000. Postquam actum est de probationibus in genere; tum etiam ea, quæ in specie fit per testes, instrumenta, & presumptiones; hoc titulo agitur de alia probationum specie, quæ fit per *jusjurandum*; nam *jurisjuraudi religio est maximum remedium expediendarum litium*, L. 1. ff. de jure jurando. Cum enim frequenter deficient aliae probationes; immo & attestations quandoquen non habeant eam vim, ut citra periculum falsi sufficient, ut Judex secundum eas pronuntiet, nisi *juratae* sint; multa etiam interveniant, quæ constant in solo animo: recurritur maxime in judiciis ad juramentum, quod ejus religio merito censeri debeat, cohibere hominem a falso per *jusjurandum* firmando, ingenti omnino irreverentia in divinam Majestatem, cum tanquam

testis falsi allegatur. De hoc igitur praesenti titulo.

ARTICULUS I.

Quid, & quotuplex sit juramentum?

Juramentum est fidei signum firmissimum, conjunctum Dei testimonio; cum jurantes, in redubia, testem Deum invocent; definitur ab aliis sic: est actus, quo divinum nomen, fidei facienda causa, adhibemus: ab aliis in hunc modum: juramentum est attestatio divini Numinis: seu invocatio divini testimonii ad fidem faciendam, vel promissionem firmandam; attestatio enim est invocatio, qua Deus adducitur in testem: a P. Thoma Sanchez l. 3. in Decalog. c. 1. n. 1. definitur: invocatio divini nominis in testimonium: Differt ab oratione: quia haec est invoca-

2001

99.
2002. *tio divini nominis, gratia petendi auxiliū, ut à misericorde, & omnipotente: per illud autem petitur, ut tanquam testis infallibilis testetur affirmatum.*

Ex his colligitur, qualiter juramentum differat. 1. ab adjuratione; hæc enim est rei sacræ contestatio ad permovendum alterum: & juxta S. Thom. 2. 2. q. 90. a. 1. datur, quando quis aliquam personam imperando, vel obsecrando inducit ad aliquid faciendum, omittendumve, invocatione alicujus rei Sacrae. Unde duplex est, altera imperativa, quando quis adjurat præcipiendo: altera Obsecrativa, quando quis adjurat obsecrando. Differt ab oratione [inquit Sanch. l. 2. c. 42. numer. 1.] quod in hac peratur aliquid à Deo, & in illa propter Deum: cum oratione verò coincidet, si simul à Deo propter Deum aliquid peratur.

2003. *Secundò ab abiurazione; nam abiurare est rem creditam juramento negare, vel sponsonem factam negare jurejurando. Apud Canonistas est renunciare, c. audita, de restitut. spol. Abiurare mulierem, est juramento repudiare, ut ait Albericus V. eod. Abjuratio quandoque stat etiam pro juramento, c. constitutus. 2. de appellat. Abjurare [inquit Summa Dianæ V. eod.] est detestari cum juramento. Abjurant autem hæretici, vel de hæresi suspecti, ad excludendam suspicionem, vel infamiam hæresis, detestando hæresim, de qua convicti, vel indicati sunt. Cum verò triplex sit suspicio, levis, vehemens, & violenta, triplex ab Inquisitoribus indicitur abjuratio, quæ aut de levi dicitur, aut de vehementi, aut de violenta, præter quartam, quæ dicitur de formali, & est illa, quæ sit in forma solemnii.*

2004. *Præstatio fidei secundum se, teste Sylvestro V. juramentum, 1. n. 7. non est juramentum, nisi ubi sumitur fides pro virtute Theologica; quia juramentum fit Sacrae rei interventu, non autem fidei præstatio; hæc enim dici potest promissio facta super propria fide, id est, fidelitate; erit juramentum, si dicatur: juro si biper fidem meam, seu Evangelium me Tom. II.*

daturum. *Homagium autem juxta Sanchez l. 3. Decal. c. 2. n. 33. non est juramentum, sed promissio simplex quibusdam solemnitatibus inter nobiles facta. Unde teste eodem l. 6. matr. D. II. donatio inter conjuges non confirmatur homagio; quia in hoc non interponitur divina fides, sed humana.*

2005. *Quoad divisionem juramenti, notandum, eam esse multiplicem; primò enim dividitur in contestatorium, & execratorium. Contestatorium fit per simplicem contestationem, in qua Deus vocatur, ut testis, v. g. quando quis dicit: Testor Deum, juro per Deum. Execatorium fit per execrationem, in qua vocatur Deus in vindicem, ut puniat iurantem si fallat, v. g. si hoc non fecero, sibit a mors accidat mihi, & filiis meis. 2. in absolutum, & conditionale. Absolutum, omni conditione caret. Conditionale est, quod habet conditionem tacitam, vel expressam; tacita conditio subest, vel ex iurantis intentione, vel ex iuri dispositione. 3. in solemnne, & simplex.*

2006. *Solemne est, cui adiacet notabilis aliqua circumstantia externa, ut, si fiat in tribunali, vel tactis reliquiis, & Evangelii, vel coram notario, & testibus. Simplex est, quod caret huiusmodi circumstantia. Utriusque datur, eadem viscoram Deo, quamvis solemnis violatio sit maius peccatum ob scandalum. 4. & principaliter in assertorium, promissorium, & comminatorium. Assertorium est, cum iuratur de præsenti, vel de præterito, sic esse, vel non esse, fuisse, vel non fuisse. Addit Lessius l. 2. c. 42. num. II. posse extendi in futurum, licet rarius fiat: ut, si iurem, Petrum cras moritum. Promissorium est, quo confirmamus nostram promissionem: ut si quis iuret, de futuro se alteri aliquid daturum, vel facturum. Comminatorium est, quo iuramus minando alicui pœnam: ut si pater iuret, se puniturum esse filium.*

2007. *Sub prædictis membris iuramentum dividentibus continentur iuramen-*
Uuu

menta septimæ manus, affectionis, calumniæ, veritatis, litis, & in litem. *Juramentum septimæ manus, de quo c. laudabilem, de frig. & malefic. prout requiritur ad probandum impedimentum impotentiæ, sic intelligi debet iuxta Sanch. l. 7. matr. D. 108. num. 11.* ut, si uterque coniunctus fateatur impedimentum, cuiuslibet coniugis septem consanguinei jurent, *sibi esse verissimile, conjuges verum fateri.* Si autem deficiant consanguinei, id præstent septem vicini cujuslibet, ita ut omnes sint quatuordecim. Vicinis vero defientibus, alii testes bona famæ, & omni exceptione majores. *Affectionis juramentum, & in litem, coincidit; nam jurare in litem, est sui ipsius juramento, rei, quæ in lite, seu judicio petitur, æstimationem inire, & pro quanto ea rarere nolit, affirmare; dicitur igitur affectionis juramentum; quia in eo accipiendo Judex sequitur effectum actoris, V. Molin. tom. 1. iust. D. 216. in fine; de hoc V. infra numer. 2014.*

2008. Juramentum calumniae datur, cum quis jurat, se bona fide, & non animo calumniandi, agere, egisse, vel auctorum. Unde juxta Sanchez *l. 3. De cal. c. 3. num. 7.* jurant de calumnia, qui jurant, *se bona fide, & non animo calumniandi, causam movere, vel aliquid proponere, vel respondere, nec in posterum se facturos:* quid continere debeat, & reliqua ad ipsum pertinentia, exposuimus supr. à *num. 687.* ubi etiam de *juramento malitia, à n. 692.* *Juramentum veritatis est, quod Judex cognitâ causâ defert actori ad supplementum probationem ejus; litis decisoriū juramentum, prout habetur apud Zaf. Inst. de action. §. item si quis, nihil aliud est, quam judiciale, per quod lis deciditur, v. g. quando creditor (ut exponit Molin. tom. 2. D. 561. §. 2.) ob probationis sufficientis defectum, exegerat in judicio, ut debitor juraret, num id deberet, & debitor negaret sub juramento tale debitum; tunc id *juramentum, decisoriū ideo dicitur,**

quod eo lis dirimatur; per illud enim reus liber à solutione debiti maneret, non secus, ac si debitum solvisset.

Juramento contrarium est perjurium, de quo L. fin. ff. de crimiū. stellionat. derivatur à verbo *perjurare*, quod est *pigerare*, seu *falsum iurare:* juxta Lessium *l. 2. c. 42. d. 14.* accipitur, 1. latè pro omni juramento, cui extribus comitibus aliquid deest, sive veritas, sive justitia, sive judicium. 2. propriè pro juramento, cui deest veritas, sive præsens [ut si quis scienter falsum confirmet] sive futura, ut si fidem datam, & juramento firmatam sine causa non servet; in qua acceptione sumunt Leges perjurium: quod quidem apud Latinos in rigore committit, tum qui falsum iurat, tum qui promissionem juratam sine causa non servat. Unde iuxta Azor. *p. 1. l. 11. c. 12.* quadruplex est perjurium, duplex *rigorosum* ex defectu veritatis, præsentis & futuræ: duplex *improprium* ex defectu iustitiae, & judicii. *Jurati* nomen habent à iuramento, quod præstant exequendi fideliter officium, sive sunt consiliarii, & anciani, sive priores, qui multitudinem regunt.

Illud etiam hic annotandum, quod *jusurandum, seu iuramentum postulet tres comites, nempe vertitatem, ut quis juret rem veram; iustitiam, ut iuret rem iustum, aclicitam: & iudicium, ut iuret ex causa.* Si desit veritas, efficitur Deus, vel ignorans, vel improbus; cum adducatur in testem falsitatis: & semper est lethale; si desit iustitia, efficitur Deus iniustus, & quasi cooperator mali promissi: & est lethale, aut veniale pro ratione materiae: Si desit iudicium, fit Deo irreverentia, quatenus sine causa in testem adducitur: & tunc si super re levi, vel quæ maius bonum impedit, forte non excedit veniale.

Præter hæc not. 1. sæpius mentionem fieri *de iuramento promissorio fidelitatis*, quale est iuramentum fidelitatis, & obedientiæ, quod Episcopi in sui ordinatione præstare debent Romano Pontifici, cuius forma ponitur in

6. Ego.

c. Ego. 4. h. t. quod 7. capitula continet; nimirum, primo jurare debet Episcopus, quod fidelis erit S. Petro, & Romano Pontifici, ejusque Successoribus canonice electis; Secundò, quod neque consilio, nequefacto juvabit, ut occidatur Papa, vel membrò mutiletur, vel capiatur; tertio, quod consilium Papæ, ipsi quovis modo manifestum, ad damnum Papæ nulli revelabit. Quarto, quod Papatum Ecclesiæ Romanæ, & Regulas SS. PP. (id est Canones SS. Patrum per Sedem Apostolicam approbatos (Hostiens. hic V. regulas) defendere revelit contra omnes homines, & retinere, salvo Ordine suo (id est, quatenus spectatā ordinis sui dignitatē, ac statu, honeste, ac decenter potest.) Quintò, quod vocatus ad Synodus [Provincialem, quam indicit Archiepiscopus, vel ad Concilium generale, quod indicit Papa [Hostiens. hic V. Synodus] venire velit, nisi canonicum impedimentum obstriterit. Sextò, quod Legatum Sedis Apostolicæ, si certum esse cognoverit (ex literis suæ legationis) honorifice tractare, & in necessitatibus ejus adjuvare velit. Septimò denique, quod Limina Apostolorum, singulis annis, per se, vel per certum nuntium, visitare velit, nisi hujus obligationis remissionem à Papa impetrârit.

Sed adverte t. hoc juramentum fieri Papæ, in quantum est in eo suprema jurisdictione Ecclesiastica; non autem, in quantum consideratur ut dominus bonorum temporalium; nam hoc juramentum præstatur à jurantibus, in quantum Ecclesiasticis; forma verò juramenti fidelitatis, quod Vasallus præstat Domino feudi, habetur in 22. q. 5. c. de forma. 18. Advert. 2. juramentum de visitandis liminibus Apostolorum, intelligi solum de Episcopis Romæ vicinis; non remotis, c. Fuxta, dist. 93. junct. gloss. V. de longinquo.

Not. 2. juramentum fidelitatis, & obedientiae, per Episcopum, non esse exigendum à suis Clericis, nisi quibus commissa est dispensatio, & administratio rerum Ecclesiasticarum; c. Nul-

Tom. II.

lus. 5. b. t. c. Legebatur 3. de majorit. & obed. nisi forte simplex Clericus suspensus esset de rebellione; vel inobedientia per dict. c. 3. junct. gloss. V. Injuria: forma verò juramenti, quod in sua coronatione Imperator præstat Ecclesiæ Romanæ, ac Summo Pontifici, referatur in Clement. unicab. t.

Not. 3. juramentum in item, à qui busdam triplex assignari; primum dicitur veritatis, seu veræ estimationis, quod defertur ad cognoscendam quantitatem, seu valorem rei per alterius vim, vel dolum amissæ, L. in actionibus, 5. §. sed & in his, ff. de in item jurando: alterum dicitur affectionis; si enim res alicujus dolo, vel culpâ alterius amissa, vel destructa sit, quæ ipsi valde chara erat, ob singularem utilitatem, v. g. Codex, in quo notata sua quis conscriperat: tunc permittitur ipsi ejus pretium, secundum privatam affectionem, & utilitatem æstimare, præcedente tamen Judicis taxatione, ne in immensum ob affectionem juretur, L. videamus 4. §. deferre; ff. de in item jurand. tertium est super interesse, & extra rem; si quis enim pecuniam v. g. depositum apud alterum, isque propterea, quod suo tempore non fuerit restituta, per accidens damnum passus est; quia pretium frumenti, vel vini interim crevit, talis potest hoc damnum suum, juramento interposito, æstimare, L. Nimis, 3. ff. de in item jurando.

ARTICULUS II.

De obligatione juramenti.

Cum hæc diversa sint, jurare illicite, ac jurare illicitum; frequenterque accidat jurare temere, vel compulsum metu, &c. præsenti loco exponenda venit obligatio juramenti; qua in re certum est, juramentum promissorium de facienda re illicita, quæ scilicet citra peccatum præstari non potest, non obligare; ne scilicet juramentum sit vinculum iniquitatis, ut dicitur c. 18. h. t. quia

Uuu

ta-